

Inatsisissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Inatsisissatut siunnersuutip siunertaraa, inoqutigiinni aappaasup aapparizatulluunniit inooqatigisap toqukkut qimagunneratigut allatulluunniit inoqutigiinni pissutsinik allanngortoqartillugu inoqutigiit ikinnerulernerannik kinguneqartumik, tamatuma kingunerisaanik aningaasaqarnikkut inuuniarnikkullu naleqqutinngitsumik inissisimalernissap qulakkerneqarnissaa. Matumani pingaartumik pineqarpoq, inissiani attartortittakkani aningaasatigut inissisimaneq pissutigalugu inigisap qimanneqartariaqalenera, ineqarnermut tapiissutinik pissarsinissamut piunasaqaatit naammassineqarnissaat pissutigalugit, inissiami init amerlassusaasa inoqutigiillu amerlassusaannut piunasaqaataasut naammassineqarsinnaajunnaarmata.

1.1. Inatsisissatut siunnersuummut tunuliaqutaasoq

Ineqarnermut tapiissutit pillugit piunasaqaatini malittarisassaq pingaarneq tassaavoq, inoqutigiit ineqarnermut tapiissutinik taamaallaat pissarsinnaasut, inissiami init amerlassusaat inoqutigiit amerlassusaannit ataatsimit amerlanerunngippata. Kommunalbestyrelsi peqqussutisinit taakkunannga immikkut akuersissuteqarsinnaavoq pissutsit immikkut ittut pitillugit, soorlu avinnikkut ilaqutariinniluunniit toqukkut qimaguttoqartillugu, piffissami qima-gaasut isumannaatsuunissamik pisariaqartitsiffianni.

Inissiani attartortittakkani ineqarnermut tapiissutit pillugit Inatsisartut inatsisaanni atuuttumi oqaasertaliussani, aappariinni qimagaasoq aapparizatulluunniit inooqataatigisap toqukkut qimagunneragut allatulluunniit inuunermi nalaataqarnikkut qimagaasoq inatsisitigut pisinnaatitaaffeqanngilaq manna tikillugu ineqarnermut tapiissutinik pissarsisarnini attatiinnarsinnaassallugu, inoqutigiinni toqusoqarnera pissutigalugu inoqutigiit ikinnerulernerannit init amerlassusaat inoqutigiit amerlassusaannut sanilliullugu ataatsimit amerlanerulerneratigut. Ineqarnermut tapiissutit, aapparizap aapparizatulluunniit inooqatigisap toqunerata kingorna attatiinnarneqarsinnaanersut ullumikkut kommunalbestyrelsip pisuni ataasiakkaani pissutsit aallaavigalugit nalilersortarpaa, najukkami init amerlassusaasa inoqutigiillu amerlassusaannut piunasaqaatinit immikkut akuersissummik tunniussisoqassanersoq.

Inatsisartut inatsisissaattut siunnersuummi matumani Naalakkersuisut kissaatigaat, inoqutigiit inooqatigiinnerminni pisoqarnerata kingorna, init amerlassusaasa inoqutigiit amerlassusaannit ataatsimit amerlanerunninnissaat pillugu piumasaqaatip naammassineqarsinnaajunnaarnerata kingunerisaanik, ineqarnermut tapiissutinik pisinnaanermut pisinnaatitaaffimminnik annaasaqanginnissaat qulakkiissallugu. Suleriaatsimi tassani ajornerpaatut kingunerissasaq tassaavoq inimik attartortup ineqarnermut tapiissutit annaanerisigut inissiamik taartissaanik pissarsiaqarnatik inigisaq qimattariaqalissammagu, imaluunniit attartortoq akilersinnaanngisaminik ineqarnermut akiitsoqalersinnaammat.

2. Siunnersuutip imarisai pingaernerit

Naalakkersuisut Inatsisartut inatsisissaattut siunnersuummi matumani siunnersuutigaat, init amerlassusaanik inoqutigiillu amerlassusaannut piumasaqaatinut naammassinnittumik attartortup kissaatigisamik inissiamik attartugassamik nutaamik qinnuteqarlunilu initaarnissaata, imaluunniit inissianik attartortitsisartumiit allamiit initaarnissaata tungaanut inissiamik attartortup piffissami naleqquttumi ineqarnermut tapiissutit tigummiinnassagai.

Inissiani attartortittakkani ineqarnermut tapiissutit pillugit Inatsisartut inatsisaannut allannguutissatut siunnersuutip matuma inissiami attartukkami attartortutut atsioqataanani najugaqartup, soorlu inooqatitut aapparip inissiamik attartortup toqukkut qimagunneragut inissiamik attartortutut tigumminniinnarsinnaanera malittarisassiunngilaa. Tamanna taamaallaat attartornermik peqqussummi malittarisassat malillugit pisinnaavoq. Siunnersuut manna taamaallaat ineqarnermut tapiissutit tigusartakkat tigummiinnarsinnaanissaanut malittarisassanik imaqarpoq. ”Attartortoq” tassaavoq inissiamik attartortuusoq imaluunniit qimagaasoq inissianik attartornermik peqqussut tunngavigalugu attartortuulersoq.

Qanoq ilisukkut attartortup attartortitsisumut init amerlassusaannik inoqutigiillu amerlassusaannik piumasaqatinut naammassinnittumik inissiamik attartugassamik minnerusumik innersuunneqarnissaminik noqqaanissaa, inissianik attartornermut peqqussutsikkut malittarisassiunneqarpoq. Attartortoq inissianik attartornermut peqqussut malillugu attartortitsisumut inissiamik minnerusumik innersuunneqarnissaminik piumasaqassalluni inatsisitigut pisinnaatitaaffeqangilaq, attartortorli inissianik attartornermut peqqussut malillugu Namminersorlutik Oqartussat kommuunilluunniit inissiat attartortittagaanni kissaatigisamik allamut nuunnissamik utaqqisunut allatsissinnaavoq. Kissaatigisamik allamut nuunnissamut utaqqisunut allatsinnermut suleriaaseq aamma atuppoq namminersorlutik oqartussat 100%-mik pigisaanni allaffissornikkullu aqutaanni namminerisamik inissianik attartortakkani inissiaatileqatigiiffik Illuut A/S-mi. Inissianik attartortitsisartut namminersortut eqqarsaatigalugit aalajangersimasumik suleriutsinik allassimasoqangilaq attartortut kissaatigalugu allamut nuunnissaminnut allatsittarnermut tunngasunik, soorlu inissiamut minnerusumut nuunniarnermut.

Naalakkersuisut naliliipput ineqarnermut tapiissutit tigummiinnarsinnaanissaanut pisinnaatitaaffiup sivilissusaanik piffissaliussaq naammaginartumik sivilissuseqassasoq, attartortup inissiamik kissaateqarluni allamut nuunnissaanut imaluunniit attartortitsivik alla aqutigalugu

initaarnissaanut periarfissaqarluarniassammat. Attartortup ineqarnermut tapiissutinik pinisaminut piumasagaatinik naammassinninnissaanut qaammatit 24-it naleqquttuusut nalileneqarpoq. Piffissamik sivisussusiliinermi isiginiarneqarput kissaatigisamik nuunniarnermut naleqquttumik piffissaqarnissaq imaluunniit attartortitsiviit allat aqqutigalugit initaarniarnissaq, kiisalu inuppalaartuunissaq.

Inatsisissatut siunnersuutip inatsimmut atuuttumut assersuunera	
<i>Oqaasertaliussat atuuttut</i>	<i>Inatsisissatut siunnersuut</i>
	§ 1
	Inissiani attartortittakkani ineqarnermut tapiissutit pillugit Inatsisartut inatsisaat nr. 23 7 december 2015-imeersumit uku allanngortinneqarput:
<p>§ 3. Init najugarineqartut najugaqartunut naleqqiullugu ataaseq sinnerlugu amerlane-ruppata ineqarnermut tapiissutit tunniunneqarsinnaanngillat.</p> <p>Imm. 2. Pissutsit immikkut ittut pissutissaqartippassuk imm. 1-imi aalajangersakkanit kommunalbestyrelsi immikkut akuersissuteqarsinnaavoq.</p>	<p>1. § 3 imm. 1-ip kingorna nutaatut <i>imm. 2-4</i> ikkunneqarput:</p> <p>” <i>Imm. 2.</i> Ineqarnermut tapiissutinik tunineqartup inoqutigiinni ilaaffigisaani toqkkut qimaguttoqarpat allatigulluunniit atukkat allanngornerisigut inoqutigiit ikilipata, inooqatigiinni pisup kingorna qaammatini 6-ilinni siullerni imm. 1 atorneqassanngilaq.</p> <p><i>Imm. 3.</i> Ineqarnermut tapiissutinik tunineqartup inoqutigiinni ilaaffigisaani toqkkut qimaguttoqarpat allatigulluunniit atukkat allanngornerisigut inoqutigiit ikilipata, ineqarnermut tapiissutinik tunineqartup kommunalbestyrelsimut inissiamik allamik, tassani ininik najugarineqartussanik najugaqartunut naleqqiullugu amerlanerungitsunik qinnuteqarsimalluni uppernar-saaneraniit qaammatit 24-it tikillugit imm. 1 aammattaaq atorneqassanngilaq.</p> <p><i>Imm. 4.</i> Ineqarnermut tapiissutinik tunineqartup inissiamik init najugaqartussallu amerlassusissaannut piumasagaatinik naammassinnissinnaasumik neqeroorfigineqarnini itigartissimappagu, itigartitsinerminngaanniit imm. 1 qanorluunniit imm. 3-imi allassimasoqaraluarpat</p>

	<p>atorneqassaaq, taamaattoq siusinnerpaamik inooqatigiinni pisup pineraniit qaammatit 6-it kingorna. ”</p> <p><i>Imm. 2 matuma kingorna imm. 5-inngussaaq.</i></p> <p>2. <i>Imm. 2, imm. 5-inngortussaaq,</i> ima oqaasertaqarpoq: <i>“ Imm. 5. Pissutsit immikkut ittut pisutissaqartippassuk imm. 1-imi 4-milu aalajangersakkanit kommunalbestyrelsi immikkut akuersissuteqarsinnaavoq.</i></p>
	<p style="text-align: center;">§ 2</p> <p>Inatsisartut inatsisaat 1. januar 2018 atuutilissaaq.</p>

3. Pisortanut aningaasatigut allaffissornikkullu sunniutissai

Siunnersuutip pisortanut aningaasatigut artukkiinissaa naatsorsuutigineqanngilaq. Siunnersuutip kingunerissavaa ineqarnermut tapinik tiguisartup aapparisaq aapparisaatulluunniit inooqatigisap toqukkut qimagunnerata kingorna, imaluunniit atukkat inoqutigiit ikinnerulerannik kinguneqartup pineratigut tapiissutit pisartagareriikkat piffissami aalajangersimasumi tigummiinnarsinnaassagai. Pineqarput ineqarnermut tapiissutit pisortanit aningaasartuutaareersut.

Inissiamik attartortup ineqarnermut tapiissutinik tunineqarsinnaanermut init amerlassusaanik inoqutigiillu amerlassusaannut piumasaqaatinut naammassinnissinnaajunnaarnerani pisortat tapiissuteqartarnissaata aningaasartuuteqarnerulernissamik kinguneqarnissaa oqaatigineqarsinnaagaluarpoq, taamaattoq nalilernerqarpoq ineqarnermut tapiissutisiaminik anaasaqarnermi kingorna attartortup maanna attartukkaminut anisitaanerata kingunerisaanik pisortanit isumaginninnermut ikiorsiissutinut inisseeqqinnermullu aningaasartuutigineqartus-satut sipaarutigineqartussat aningaasartuuteqarnerunissaq tamakkiisumik naligissagaat.

Siunnersuutip allaffissornikkut annerusumik nanertuutaanissa naatsorsuutigineqanngilaq. Siunnersuut kommunit Inatsisartut inatsisaat tunngavigalugu sullissinerannut oqilisaataassasoq naatsorsuutigineqarpoq, tassami aapparisaq aapparisaatulluunniit inooqatigisap toqukkut

qimagunnerani init amerlassusaanik inoqutigiillu amerlassusaannut naammassinnissinnaanisamat piumasaqaatinut immikkut ittumik akuersissuteqartoqarnissaanut kommuni piviusumik nalilersuisarunnaassaamat, taamaalilluni qimataasooq piffissami aalajangersimasumi ineqarnermut tapiissutinik tigumminiinnarsinnaalissalluni. Siunnersuut aqutugalugu qimataasooq qaammatit 24-it tikillugit ineqarnermut tapiissutinik tigumminiinnarsinnaanerminik inatsisigtigut pisinnaatitaaffigilissavaa.

4. Inuussutissarsiutinik ingerlataqartunut aningaasatigut allaffissornikkullu sunniutissai
Nalilerneqarpoq siunnersuut inuussutissarsiutinik ingerlataqartunut aningaasatigut allaffissornikkullu sunniuteqassanngitsoq.

5. Avatangiisinut, pinngortitamut inuillu peqqissusiannut sunniutissai

Nalilerneqarpoq siunnersuut avatangiisinut, pinngortitamut inuillu peqqissusaannut sunniuteqassanngitsoq.

6. Innuttaasunut sunniutissai

Nalilerneqarpoq siunnersuut innuttaasut aningaasaqarnerannut inooqatigiinnullu pitsaasumik sunniuteqassasoq. Inoqutigiinni aappaasup aapparisaatulluunniit inooqatigisap toqkukut qimagunnerani imaluunniit, inoqutigiit ikinnerulernerannik kinguneqartumik atukkat allanngornerini, inoqutigiit aningaasatigut inooqatigiinnerannilu naleqqutinngitsumik inissisimallernissaat siunnersuut qulakkeerpaa. Matumani pingaartumik pineqarpoq init amerlassusaanik inoqutigiillu amerlassusaannut piumasaqaatinut naammassinnissinnaajunnaarneq pissutigalugu attartortup aningaasaqarniarneq pissutigalugu inigisaminit nuuttariaqalerneranik kinguneqarsinnaasut.

7. Sunniutissai pingaarutilit allat

Siunnersuut allatigut pingaarutilinnik sunniuteqassanngitsoq nalilerneqarpoq.

8. Oqartussaasunik kattuffinnillu tusarniaaneq

Siunnersuut 16. maj 2017 www.naalakkersuisut.gl tusarniaanermi nittartagaatigut tamanut saqqummiunneqarpoq, tusarniaanermut 15. juni 2017 killigitinneqarluni.

Siunnersuut piffissami 16. maj-miit 15. juni 2017-imut ukununnga tusarniaassutigineqarpoq: Naalakkersuisut Suilittaasuata Naalakkersuisoqarfia, Aalisarnermut Piniarnermullu Naalakkersuisoqarfik, Aningaasanut Akileraarutinullu Naalakkersuisoqarfik, Inuussutissarsiordermut, Suliffeqarnermut, Niuernermit Nukissiuuteqarnermullu Naalakkersuisoqarfik, Peqqinnissamat Naalakkersuisoqarfik, Aatsitassanut Naalakkersuisoqarfik, Kommuninut, Nunaqarfinnut, Isorliunerusunut, Angallannermit Ineqarnermullu Naalakkersuisoqarfik, Ilinniartitaanermut, Kultureqarnermut, Ilisimatusarnermit Ilageeqarnermullu Naalakkersuisoqarfik, Namminiilivinnermut, Nunanut Allanut Nunalerinermullu Naalakkersuisoqarfik, Pinngortitamut Avatangiisinullu Naalakkersuisoqarfik, KANUKOKA, Isumaginninnermi Naammagittaalliuuteqartarfik, Kommunernes Revision, Kattuffik Utoqqaat Nipaat, Kalaallit Nunaannit

Inuit Pisinnaatitaaffii Pillugit Siunnersuisooqatigiit, Dansk Institut for Menneskerettigheder, Inooqat, MIO, IMAK, AK, NUSUKA, SIK, PIP, Sulisitsisut, ASG, PPK, KNAPK, Agerskov Consulting, GrønlandsBanken, BankNordik, Grønlands Revisionskontor A/S, EY Grønland, Inissiaatileqatigiiffik A/S Ini, Iserit A/S, Illuut A/S, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq.

Tulleriittut taaneqartut nalunaarput tusarniaassummut oqaaseqaatissaqarnatik:
Institut For Menneskerettigheder, Aatsitassanut Naalackersuisoqarfik, Qeqqata Kommunia.

Tusarniaanermut akissutigineqartut teknikkimut oqaasertaanullu tunngassuteqartut oqaaseqarfigeqqinnagit siunnersuummi naqqiutigineqarput. Tusarniaanermut akissutit allat tusarniutigineqartup imaanut tunngassuteqartut ataani issuarneqarput oqaaseqarfigineqarlutillu, oqaaseqaatit uingasumik allanneqarput.

Tusarniaanerup naammassereernerani tusarniaavigineqartunit makkunikka akissutit tiguneqarput:

1. Aningaasaqarnermut Akileraartarnermullu Naalackersuisoqarfik

Aningaasaqarnermut Akileraartarnermullu Naalackersuisoqarfik naliliivoq allannguutissatut siunnersuut annikitsuinnarmik pisortat ineqarnermut tapiissutinut aningaasartuutigisartagaanut kinguneqassasoq, allannguutissatut siunnersuummi inuit ikittuinnaat kisimik pineqarmata. Taamaattumik allannguutissatut siunnersuut pisortanut aningaasatigut sunniuteqarnaviangitsaq Naalackersuisoqarfiup isumaqatigaa.

2. Peqqissutsimut Naalackersuisoqarfik

Peqqissutsimut Naalackersuisoqarfik tusarniummut qujavoq. Naalackersuisoqarfiup inatsissatut siunnersuut nuannaarutigaa, tassami toqqissisimatitsinerunermik kinguneqassammat ineqarnermullu tapiissuteqartitsisarnerup iluani paasiuminarnerusumik inatsisiliorartoqarluni, kiisalu Isumaginninnermut, Ilaqutariinnermut, Naligiissitaanermut Inatsisinullu Atuutsitsinnermut Naalackersuisoqarfiup aningaasartuuteqarnerunnginnissamik innuttaasunullu iluqutaanissaanik isumaa isumaqatigaarput.

3. Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfik

Tusarniaanermut eqqornerusunik akissuteqarnissaq siunertaralugu, Naalackersuisoqarfik Inissiaatileqatigiiffik A/S INI-mut, kissaatigisamik inissiamut allamut nuunnissamut utaqqisarnerup illoqarfinni assigiinngitsuni qanoq sivilutigisarnera pillugu paasissutissanik aallersimavoq.

Inissiaatileqatigiiffik A/S INI nalunaaruteqarpoq, agguaqatigiissillugu kissaatigisamik allamut nutsernissamut utaqqisut kingulliit 10-it ataani tabiilimi takuneqarsinnaasutut isikkoqartut. Inussiarnersumik malugeqquneqarpoq, amerlasuut kissaatigisamik allamut nuunniarnermi nuuffigerusutamut sumiiffimmut aalajangersimasumut kissaateqartamata, taamaammallu up- pernarsaat piffissami tassanerpiaq taama isikkoqartoq, taamaammallu utaqqineq sivilunerusoq qinertarlugu. Ilanngulluguttaaq INI allagarsiisalernikuuvoq inunntut ataasiakkaanut neqer- oorusrilutik allakkatigut nassiussuinatik, tamannalu utaqqinerup sivilussusaanut sunni- uteqarsinnaavoq.

Ummannami Qaanaamilu ukiuni qulini kingullerni ataasiakkaaginnarnik kissaatigalugu al- lamut nutsernissamut allatsittoqarnikuuvoq.

Illoqarfik	Illoqarfikkaartumik agguaqatigiissillugu qaammatini utaqqisarne- rup sivilussusaa.
Nanortalik	11
Qaqortoq	19
Narsaq	12
Paamiut	29
Nuuk	66
Maniitsoq	18
Sisimiut	17
Kangaatsiaq	18
Aasiaat	56
Qasigiannuit	7
Ilulissat	35
Qeqertarsuaq	10
Ummannaq	Kisitsisit ikippallaarmata katersorneqanngillat
Upernavik	7
Qaanaaq	Kisitsisit ikippallaarmata katersorneqanngillat

Soorlu tabiilimi takuneqarsinnaasoq, agguaqatigiissillugu inissiamut allamut nuunnissamut kissaateqarluni utaqqisarneq Nuummi, Aasianni, Paamiuni Ilulissanilu qaammatit 24-it sin- nerlugit sivilutigisarpoq. Illoqarfinni taaneqartuni attartortunut qaammatit 24-it qaangiutsin- nagit inissiamut minnerusumut nutsernissaq angumerineqarsinnaanngimmat aningaasartuuti- tigut kinguneqarsinnaavoq. Erseqqissaatigineqassaaq utaqqisarnerup sivilussusaa nikerarsin- naammat piffissani aalajangersimasuni, takutitassiaq piffissami aalajangersimasumi pineqar- mat.

Akissut: Pissutsit immikkut ittut pissutigalugit ullumikkut attartortup illoqarfigisamini nuna- qarfigisaminiluunniit qaammatit 24-t killigititaasut iluanni kissaatigisamik inissiamut mikine-

rusumut ajornaatsumik nuunnissamimut periarfissaqartannginara nassuerutigineqassaaq. Imm.5-mi immikkut aalajangersakkami, suliani ataasiakkaani nalilersuereernikkut inissiamut attartortakkamut utaqqineq qaammatini 24-nit sivilsunerussappat kommunalbestyrelsi qaammatinik 24-nik killigititaasumit sivilsunerusumik akuersissuteqarsinnaaneranik periarfissineqarpoq.

4. Isumaginninnermi Naammagittaalliuuteqartarfik

Nalinginnaasumik:

Isumaginninnermi Naammagittaalliuuteqartarfiup allattoqarfiata siunnersuutigaa aalajangersakkami oqaasertaliussat allanngortinneqassasut, taamaalilluni pisoqarnerata kingorna qaammatini 6-inni ineqarnermut tapiissutip tigungmiinnarneqarnissaanik pisinnaatitaaffeqalerneq ersarinnerusumik takuneqarsinnaanngorlugu, soorlu siunnersuutip oqaaseqaataani § 1-mi allassimasutut, matumap ataani aalajangersakkami erseqqissumik takuneqarsinnaanngorluni qaagumit qaammatit 6-it aallartissanersut.

Isumaginninnermi Naammagittaalliuuteqartarfiup allattoqarfia naliliivoq siunnersuummi masakkut oqaasertaliussat paatsuunganermik pilersitsisinnaasut.

Isumaginninnermi Naammagittaalliuuteqartarfiup allattoqarfia taamaammat siunnersuuteqarpoq aalajangersagaq ima oqaasertalerneqarsinnaasoq: *”Imm. 2 Inoqutigiinni ineqarnermut tapiissutinik tigusisartoq, taassumaluunniit inooqatigisatut aapparisa toqukkut qimaguppat, imaluunniit inuunermi allannguutaasumik pisoqartillugu inoqutigiit ikinnerulernerannik kinguneqartumik, attartortoq maannamut ineqarnermut tapiissutit pisartakkani allanngortinnagit qaammatini 6-ni allatigut iliuseqanngikkaluarluni pisinnaatitaaffigivai. Attartortup qaammatit 6-it qaangiutsinnagit kommunabestyrelsimut uppernarsarpagu, inissiamik minnerusumik, init amerlassusaasa inoqutigiit amerlassusaannut tunngatillugu piumasaqaatinut naammassinnittumik kissaatigalugu inissarsiorluni, tak. Imm. 1, attartortoq qaammatini 24-ni maannamut ineqarnermut tapiissutit tigusartakkani tigungmiinnarsinnaavai.*

Akissut: Oqaaseqaatit imm.2- 4-mut pisariaqartitat tunngavigalugit ilanngunneqarput. Taamatuttaaq oqaaseqaatini imm. 2-mi allassimavoq, qaammatinut 6-inut killiliussa aapparisa aapparisaatulluunniit inooqatigisap toqukkut qimagunneraniit, imaluunniit inoqutigiinni inuttut atukkat allanngorneriniit kisinneqassasut.

Oqaaseqaatini § 1-mi allassimavoq: *”Uppernarsaatitut takussutissiaq qaammatit 6-it iluanni nassiunneqarsimangippat, maannamut ineqarnermut tapiissutit tunniunneqartartut ingerlaanartumik unitsinneqassapput.”* Siunnersuutigineqarpoq oqaaseqaatini allanneqassasoq kommunit ilitersuisussaataanertik naammassissappatigit kommunip attartortoq allakkatigut nalunaarfigisariaqaraa taama pisoqarnerani suut piumasaqaataanersut.

Akissut: Oqaaseqaatini imm. 2-4 -mi kommunabestyrelsip ilitersuisussaataitanera ilanngunneqarpoq.

Isumaginninnermi Naammagittaalliuuteqartarfiup allattoqarfiata innersuussutigaa ineqarnermut tapiissutinik tiguisartup malittarisassami pingaarnermi imm. 1-imi allassimasumi pi-umasaqaatinik naammassinnittumik inimik allamik qinnuteqarsimasup, taamaattorli neqerootigineqarsimasumik tiguisumannigisup, kommunalbestyrelsimit qanoq iliorfigineqarsinnaanera oqaaseqaatini ersersinneqartariaqartoq.

Akissut: Imm. 4-mi ilanngunneqarpoq ersarissarneqarluni attartortoq neqeroorummut, init amerlassusaasa inoqutigiit amerlassusaannut piuamsaqaammum naammassinnittumik akuersilluni pisussaaffeqarnera. Attartortoq inissiaq init amerlassusaasa inoqutigiit amerlassusaannut piuamsaqaammum naammassinnittumut neqerootigineqartumut akuersinngikkuni, imm. 3 tunngavigalugu ineqarnermut tapiissutinik pisinnaatitaanini annaassavaa.

Isumaginninnermi Naammagittaalliuuteqartarfiup allattoqarfiata periarfissaq atorlugu Naalackersuisoqarfimmum maluginiaquaa Inissiani Attartortittakkani ineqarnermut tapiissutit pillugit Inatsisartut Inatsisaanni nr. 23 7. december 2015-meersumi tamakkiisumik ingerlatsivimmit allamit aalajangiinerit sumut naammagittaalliuutigineqartassanersut. Taamaattumillu Isumaginninnermi Naammagittaalliuuteqartarfiup allattoqarfiata siunnersuutigaa matumani Inatsisartut Inatsisaat nr. 23 7. december 2015-meersumut allannguutissatut siunnersuummut ilannguteqqullugu.

Akissut: Allaffissornikkut naammagittaalliuuteqartarnerup kinguneraa, innuttaasup naammagittaalliuuteqarnerata kingorna ingerlatsiviup allap ingerlatsivik naammagittaalliuutigineqartoq nakkutigilissagaa. Inissiani attartortittakkani ineqarnermut tapiissutit pillugit Inatsisartut inatsisaani § 16 tunngavigalugu allassimavoq, Inatsisartut inatsisaat pineqartoq malillugu aalajangiinerit, Isumaginninnermi Naammagittaalliuuteqartarfirmum naammagittaalliuutigineqarsinnaasut. Taamaallilluni nalilernerqarpoq attartortup naammagittaalliornissaminut periarfissaa ilanngunneqartoq.

5. Kommuneqarfik Sermersooq

Kommuneqarfik Sermersooq siunnersuummi aalajangersakkanut ataasiakkaanut imaattunik oqaaseqaasiarpoq.

Siunnersuummi allassimavoq ”ineqarnermut tapit maannamut pisinnaatitaaffigisani qaammatini 24-ni tigummiinnarsinnaagai”. Oqaaseqaatip ”maannamut pisinnaatitaaffigisani” atorneratigut qaammatini 24-ni ineqarnermut tapiissutit nikittussaajunnaarlugit annertussussusiligaasutut paatsoorneqarsinnaavoq, qanorluunniit inoqutigiit piffissap ingerlanerani isertitamikkut annertuumik allannguuteqaraluartut. Taamaattumik siunnersuutigaarput oqaatsit ator-

neqartut ima allangortinneqassasut: *attartortup ineqarnermut tapiissutinik tunineqarsinnaanini qaammatit 24-it angullugit tigummiinnarsinnaavai.*

Akissut: Oqaaseqaatit imm. 3-mut ilanngunneqarput. Immikkut akuersisoqarsinnaaneranut imm. 2-mi aamma 3-mi siunnersuutigineqartuni taamaallaat pineqarput inoqutigiinni toqusoqarsimatillugu imaluunniit inooqatigiinni pisoqarsimatillugu init najugaqarfiusut najugaqartunut naleqqiullugit ataatsimik sinnerneqannginnissaannut piumasaqaammut naam-massinissinnaajunnaarneq. Taamaammat attartortup, qanorluunniit aningaasarsiamigut atugarisai ikkaluarpata, qaammatini 24-ini ineqarnermut tapisiaqartarnermi nikittussaa-junnaarsinneqarnissaanik nalinginnaasumik inatsisitigut pisinnaatitaaffeqalernissaa uani pineqanngilaq.

Attartortoq § 6 imm. 2 malillugu suli pisussaaffeqarpoq ineqarnermut tapiissutinik tunineqarsinnaanermut tapiissutillu annertussusissaannut naatsorsuiner-mut allannguutaasinnaasunik pingaaruteqartunik kommunalbestyrelsimut nalunaaruteqassalluni. §3 imm.2-miit 4-mut oqaaseqaatit matumunnga naapertuuttunngorlugit ersarissarneqarput.

6. KANUKOKA

KANUKOKA-p ujjartorpai kommuninut isumaginninnikkut allaffissornikkullu aningaasartuutit siunnersuutikkut sipaarutissatut naatsorsuutigineqartut kisinneqarsimaneri.

Akissut: Oqaaseqaatini nalinginnaasuni, immikkoortoq 3-mi, aningaasatigut allaffissornikkullu sunniutissai: "Siunnersuutip pisortanut aningaasatigut artukkiinissaa naatsorsuutigineqanngilaq." "Siunnersuutip kingunerissavaa ineqarnermut tapinik tiguisartup aapparisa-p aapparisa-tulluunniit inooqatigisap toquk-kut qimagunnerata kingorna, imaluunniit atukkat inoqutigiit ikinnerulernerannik kinguneqartup pineratigut tapiissutit pisartagareriikkat piffis-sami aalajangersimasumi tigummiinnarsinnaassagai. Pineqarput ineqarnermut tapiissutit pisortanit aningaasartuutaareersut."

7. MIO- Meeqqat Illersuisuat

Nalinginnaasumik oqaaseqaatit

Inatsisip siunertaraa qulakkiissallugu inoqutigiinni uiusup nuliaasup aappaasulluunniit toquk-kut qimagunnerani - allatigulluunniit pisoqarneratigut inoqutigiit amerlassusaannik ikilisoqar-neratigut - inoqutigiit naapertuutinngitsumik aningaasatigut inuuniarnikkulluunniit ajorneru-sumik inissinneqannginnissaat, tamannalu Meeqqat Illersuisuata ajunngitsutut nalilerpaa.

Inoqutigiimmi taamaalillutik ineqarnermut tapiissutigineqartartunik annaasaqassanngimmata, inatsimmimi allassimagaluarmat ineqarnermut tapiissutit atorunnaarsinneqartassasut ino-qutigiit najugaanni init amerlassusaannit ataatsimik amerlanerusumik najugaqartoqaraangat.

Inatsisissatut siunnersuummi aamma allassimavoq, ineqarnermut tapiissutit pisartagarisimasat suli qaammatini 24ni pisartagarinissaannut pisinnaatitsisoqassasoq. Qaammatit taakkua 24it ingerlaneranni nammineq kissaatigisaq malillugu allamut nuussimanissaq imaluunniit allami attartugassarsisimanissamut piffissaliussaq naammattutut nalilerneqarmat.

Taamaattoqartillugu piffissaq qanorluunniit sivisutigissagaluarpata - meeqqat 18it inorlugit ukiullit angerlasimaffimmiippata taava Meeqqat Illersuisuata suillertut pingaarnertullu pisariaqarsoraa taakkua salliutillugit naliliisoqartarnissaa.

Meeqqat pillugit isumaqatigiisummi taaneqareersutut allagaqaat 27mi allassimammat, meeqqat inuuniarnerminni naammaginartumik atugaqartassasut - nerisassat, atisat ineqarnerlu eqqarsaatigalugit, taamaattoqarnissaanullu aqutissiunissamut angajoqqaat pingaarnertut akisussaaffeqarput, aammalu naalagaaffik pisussaaffeqarpoq pisariaqartitsisoqartillugu ikiuinissaminut.

Taamaattumik pingaaruteqarluinnarpoq siunnersuutigissallugu inatsit aalajangiiffigitinnagu angerlarsimaffimmi meerartaqartoqarnersoq inatsisissatut siunnersuummi allassimasoqarnissaa. Ingammik angerlarsimaffiup avataani inissiisoqarsimatillugu, meeqqat angerlartinneqasagaluarpata meeqqat inaasa pigiinnarnissaat anguniarlugu naleqquttumik aalajangiisinaasoqartariaqarmat. Meeqqat pisinnaatitaaffiisa isumaqatigiisutaanni allagaqaatini 7,8,9, 10milu allassimasut malillugit meeqqat angajoqqaaminnik ilisarimanninnissaat taakkunanngalu paarineqarsinnaanissartik pisinnaatitaaffigaat, attaveqarsinnaatitaapput, kinaassusitsimillu pigiuarnissaat, angajoqqaaminnillu avissaartinneqannginnissartik pisinnaatitaaffigaat, meeqqat illersorniarlugit naapertuuttumik avissaartinneqarnissaat pisariaqavittutut inissimannigipat.

Ineqarnermut tapiissutinik tunineqarsinnaanissamut aalajangersakkat atuuttut kingunerisaannik inoqutigiit aalajangersakkanik malinnissinnaajunnaarnerat pissutigalugu anisitsinissaraluaq, tassa attartortup aningaasatigut inissisimanini pissutigalugu inigisaminit anisinneqarnissaa inatsisitigut siunnersuutip pisinnaajunnaartimmagu nuannaarutigaa. Meeqqanik angerlarsimaffimmiittoqartillugu qaammatit 24it aallaaviginissaasa apeqquserneqarsinnaanissaat aamma ilanngunneqarsinnaassappat, taava Meeqqat Illersuisuata siunnersuut tapersersussavaa.

Akissut: §3 imm. 5-mi ilanngunneqarpoq kommunalbestyrelsip init amerlassusaasa inoqutigit amerlassusaannut tunngatilugu piumasagaammut immikkut aalajangiisinnaanerata anner-tusarneqarnera, taamaalilluni kommunalbestyrelsi imm. 1-ip saniatigut periarfissaqarpoq qaammatit 24-inut killiliussaq pillugu imm. 3-mi periarfissaq tunngavigalugu immikkut aalajangiissalluni. Imm.5-mi immikkut aalajangiisinnaanermut periarfissap inissaqartippaa pisisutit tunngavigisat pisariaqartippassuk, inuttut silatusaarnerlu tunngavigalugu aalajangersaasinnaaneq, matumani suliat ataasiakkaat nalilersornerini attartortup qitornaasa ukiui isiginiassallugit, kiisalu matumani inoqutigiit allanngornerat meeqqap angerlarsimaffiup avataanut inissinneqarneranik peqquteqarpat, kingorna angerlarteqqinneqarsinnaanera eqqarsaatigalugu naleqquttuulluni meeqqap sinittarfini paariinnassagaa.

8. Sulisitsisut

Aallaavittut Sulisitsisut (GE) isumaqatigaat inatsisissatut siunnersuummi allanneqarsimasutut pisoqartillugu ineqarnermut tapiissutinik tunineqartarnermik pisinnaatitaaffiup ”toqqaan-nartumik” sivitsorneqarsinnaanerannik siunertaq.

Siunnersuut ajornartorsiutinik pilersitsinngilaq, apeqqummilli pilersitsivoq siunnersuummi isumaliutigineqarsimasutut/ taaneqarsimasutut takuneqarsinnaanngitsumik:

Oqaaseqaatini **massakkut atuuttuni** § 3 imm. 2-mi ilaatigut ima allassimasoqarpoq:

”Immikkut ittumik pisunut ilaasinnaavoq meeraq angerlarsimaffiup avataanut inissinneqarsimappat, taamaalineranilu angerlartitsisoqassappat meeqqat ineeraasa tigungmiinnar-nissaat tulluartutut nalilerneqarpat. Taamatut pisoqartillugu pisariaqartitsisoqassagaluarpat inuttut silatusaartumillu iliuuseqarnissaq aalajangersakkatigut inissaqartinneqarpoq.”

Naatsumik oqaaseqaasiaq ima paasineqarsinnaagunarpoq massakkut atuuttumi § 3, imm. 2 siunissami pinngitsoorani anisitsinissamik kinguneqartitsisariaqannginnermut aamma ator-neqarsinnaasoq, imaluunniit ineqarnermi tapiissutinik tiguisartup inoqutigiit amerlassuseri-simasaanniitteqqilernissaat isumagissagaa.

Tamanna ima paasineqarpoq, kommunit immikkut aalajangiisinnaanernut periarfissarisat massakkut § 3 imm. 2 atuuttoq tunngavigalugu (meeqqap angerlarsimaffiup avataanut inis-sinneqarsimanerani) attartortoq ineqarnermut tapit nikisinnagit suli pissarsiarisinnaagai, naak meeqqap angerlarsimaffiup avataanut inissinneqareernerani init inoqutigiinnit ataatsimit amerlaneruleraluartut, tamanna siunissami allamut nuuttariaqalernermit piumasaqaatitut at-tuumassuteqartinneqarani il.il.

Periarfissaq tamanna, siunnersuummi nutaami periarfissatut ilanngullugu isummerfigi-neqarsimarpassinngilaq. Pissutsit pineqartut kingunerisalissavaat tamatigut nuuttoqartarnissaa. Tutsuiginartumillusoq oqartoqarsinnaavoq qinnuteqartarnermi periususartut apeqqutaatik-kunnaarlugit “toqqaannartumik” sivitsuinerup tamanna kingunerigaa. Oqaaseqaatini is-suarneqartoq, aalajangersakkami massakkut atuuttumi isumaginninnikkut isiginneriaatsinik takussutissiimmat, ineqarnermut inatsisini kiisalu tapiissuteqarnissanut periarfissani oqimaa-lutaasussaammat, Naalackersuisoqarfik kissaateqarfigaarput nalunaaruteqaqqullugu qaquguk-kut isiginneriaaseq tamanna siunnersuummi matumani isumaliutigineqarsinamersoq.

Isumaliutigineqarsimappat, Naalackersuisoqarfik kissaateqarfigaarput isumaginninnikkut isi-ginneriaatsimi suut peqqutigalugit kajuummissutaasumik aqqisutissamik nassaarsi-manninnertik nalunaarutigeqqullugu.

Akissut: Immikkut aalajangiisinnaanernut aalajangersagaq kommunalbestyrelsip immikkut akuersissalluni pisinnaatitaaffiini imm. 2-mi aamma 3-mi pineqartut, init amerlassusaannut inoqutigiillu amerlassusaannut piumasaqaatinut tunngasut, imminnut mattutinngillat. Il-

lersugassatut soqutigisat inatsisartut inatsisaanni imm. 2-mi aamma 3-mi akuerisaasut, immikkut akuersissuteqartarnissami aalajangersakkat naammangimma taamaalilluni maleruagassanik katersuiffittut taaneqarsinnaasumik immikkortoq 5 ersarissarneqarpoq.

9. SIK

Inatsisissatut siunnersuut SIK-p tapersorsorjaa, inoqutigiit inooqatigiinni pisoqarnerata kingunerisaanik init amerlassusaasa ineqartunut naleqqiullugu ataatsimik amerlanerulinginnissaanut ineqarnermut tapiissutinik taamaallat pisoqarsinaaneranut piumasaqaatinik naammassinnissinnaajunnaarnerisa malitsigisaanik ineqarnermut tapiissutinik annaasaqanginnissaat taassuma qulakkeermagu. SIK-p taamaalilluni akuersaarjaa, attartortup inatsis-inik tunngaveqarluni inooqatigiinni pisoqarsimatillugu maannamut ineqarnermut tapiissutis-iarisartakkani qaammatini 6-inni tigummiinnarsinnaagai, aammalu attartortoq init amerlassusaasa ineqartunut naleqqiullugu amerlassussissaannut piumasaqaatinik naammassinnittunik kissaatigisamik nuunniarluni qinnuteqarsimappat qaammatit 24-it tikillugit taamaaliorinnaatitaasoq.

SIK-lli siunnersuutigissavaa, qaammatinut 24-nut killiliussap sivitsorneqarnissaa ukiunut 5-inut, nammineq pisuussutiginnigisamik inissiamut allamut – minnerusumut immaqalu akikinerusumut – nuussinnaannginnermik peqquteqartunik, tassami inissianik taamaattunik ukiualuit ingerlaneranni pissarsisoqarsinnaaneq ajormat. Ilisimareerparpummi soorlu Nuummi inissianut nalinginnaasunut utaqqineq sivisoorujussuusinnaasoq.

Akissut: Miserratigineqanngilaq pissutsit immikkut ittut atuussinnaaneri, illoqarfigisami nunaqarfigisamilu kissaatigisamik inissarsiornermi utaqqisarnerup sivilusinnaanera, taamaalilluni attartortoq qaammatit 24-it killigititaasut iluani allamut minnerusumut nutsernisaminut periarfissaqarnani. Imm. 5-mi immikkut aalajangiisinnaanermut allajangersakkami ikkunneqarpoq kommunalbestyrelsip suliani ataasiakkaani nalilersuinermini qaammatinut 24-inut killiliussaq atuutsinngikkaluarlugu aalajangiisinnaanera, matumani attartortup inissiamik attartugassaminik utaqqinera qaammatit 24-it sipporsimappagit.

SIK-p siunnersuutigissavaa § 3 imm. 2-mi marlunnik tulluarsaalluni allanngortitsisoqarnissaa. Siullermik oqaatsip “aappaasoq” aalajangersakkami ima oqaasertaqartinneqassasoq

“Inoqutigiinni ineqarnermut tapiissutinik pisartagaqartoq, taassumaluunniit aapparisa, aapparisatulluunniit inooqatigisaa toqkkut qimaguppat.....”

Akissut: Oqaaseqaatit siunnersuummut ilanngunneqarput.

SIK-p ilanngullugu siunnersuutigaa imm. 2-mi [massakkut imm. 3] oqaaseqatigiinni tulleriinni kingullertut uku ikkunneqassasut:

“Uppernarsaatnik takutitsinissamut piumasagaatit naammassineqarsinnaapput attartortup uppersarpagu inissiamut minnerusumut, namminersorlutik inissianik attartortitsisarfinnut imaluunniit attartortoq inissianut attartortakkanut nalinginnaasunut utaqqisutut allatsissimaguni”.

Oqaaseqatigiinni kingullertut taaneqartoq inatsisissatut siunnersuutit oqaaseqaataani allassimareerpoq, taamaattorli tulluurtuusorinarpoq ilassuteqaatit pineqartut pingaaruteqartutut inatsimmut toqqaannartumik ikkunneqarpata.

Akissut:

Qanoq ililluni uppersaatit naleqqunnerpaamik naammassineqarsinnaanersut pillugit allaatiginninneq aalajangersakkap oqaaseqaataani allassimappat naleqqunnerusoq nalilerneqarpoq. Tamatuma saniatigut kommunalbestyrelsi attartortup init ineqartunut naleqqiullugit amerlassusissaannut naammassinnikkunnaarneranik ilisimasasaqalerpat, taava kommunalbestyrelsip imm. 2-miit 4-mut immikkut akuersisoqarsinnaanera pillugu aalajangersakkat pillugit attartortoq ilitsersuuttariaqaraa, kiisalu uppersaatit suut piumasagaatigineqarnersut pillugit nassuiaatini erseqqissaassutigineqarput.

1. Inooqat

Inooqat missingiutini allassimareersut pillugit imatut oqaaseqaatissaqanngilaq. Taamaatoq kissaatigisinnaavarput inunnut innarluutilinnut suliasaqarfimmut tunngasunik ilassuteqartoqarnissaa. Meeqqamik innarluutilimmik / ineriartornermigut akornutilimmik meerartaaraanni / meeraqaraanni, assersuutigalugu illoqarfimmut allamut ulloq unnuarlu angerlarsimaffimmut inissinneqartumut, tassani sivikkaluamilluunniit ineqarnermut tapiissutinik tigummiinninniinnarsinnaanermik pisinnaatitaaneq ”inooqatigiinnermi pisut allat”-ni tamanna ilaatinneqanngilaq.

Akissut: Oqaaseqaatigineqartut imm. 2-miit imm. 4-mut oqaaseqaatini pisariaqartitsineq naapertorlugu ilanngunneqarput. Imm. 2-mut oqaaseqaatini takuneqarsinnaavoq ”Inooqatigiinni pisut tassaapput toqkukut qimaguttoqarnera, avinneq, aapparisaq aapparisa-tulluunniit inoqqatigineqartup ulloq unnuarlu angerlassimaffinnut nuunnera, meeqqap illoqarfimmut allamut nuulluni atuariartornera, meeqqap innarluutillip angerlarsimaffiup avataanut inissinneqarnera assigisaallu”.

Inummik innarluutilimmik/ineriartornermigut akornutilimmik meeraqarluni, illoqarfimmi allami ulloq unnuarlu angerlarsimaffimmi inissinneqarsimasumik, angerlarsimaffimmi meeqqamut/meeqqanut inissaqartitsiuaannarnissamik pisariaqartitsivoq, assersuutigalugu tikeraarneranni imaluunniit allamik pissuteqartumik angajoqqaamminiittariaqalerneranni. Taamaattumik isumaqarpugut meeraq innarluutilik/ineriartornermigut akornutilik ulloq unnuarlu angerlarsimaffimmi inissinneqarpat immikkut ittumik akuerineqartumik ineqarnermut tapiissutip tigummiinnarneqassasoq – tamannalu piffissalerneqassanngitsaq. I

SUMAQAQQAJAAVUGUT tamanna aamma atuutissasoq, aamma meeraq il-

loqarfigisami ulloq unnuarlu angerlarsimaffimmi inissineqarsimagaluarpalluunniit. Angajoqqaat meeqqaminnik katerisimaaqatiginninneranni ini pisariaqartinneqarpoq.

Akissut: § 3, imm. 5-imi kommunalbestyrelsip init amerlassussaasa ineqartunut naleqgersuunnerini immikkut ittumik akuersissuteqarsinnaanissaanut periarfissai amerlineqarput, taamaalilluni imm. 1-ip saniatigut imm. 3-mi qaammatini 24-ini killiliussamut kommunalbestyrelsi immikkut ittumik akuersissuteqarsinnaanngorluni. Imm. 5-imut nassuiaatini takuneqarsinnaavoq imm. 5-imi immikkut akuersissuteqarsinnaanermik aalajangersakkap inis-saqartikkaa, inuppalaartumik silatusaartumillu mianerinninnissaq, pisariaqartitsineq pisut takutippassuk, matumani piviusumik nalilersuereernerup kingorna immikkut ittumik isiginiar-neqarsinnaasoq inoqutigiiit allanngornerat pissuteqartoq meeqqap angerlarsimaffiup avataa-nut inissineqarnerani meeqqap inaata tigummiinnarneqarnissaata angerlarsimaffimmut attaveqarnissaanut naleqquttuusoq nalilerneqarpat.

Aalajangersakkanut ataasiakkaanut oqaaseqaatit

§ 1-imut

Nr. 1-imut

Imm. 2

Init amerlassusaasa inoqutigiit amerlassusaannit ataatsimit amerlanerunngitsillugit ineqarnermut tapiissutit taamaallaat tunniunneqarsinnaanerannit imm. 1-mi piumasaqaammiit pingaarnemit imm. 2 immikkut periarfissiivoq.

Kommunalbestyrelsip ilisimaleruniuk attartortup inoqutigiit amerlassusaasa init amerlassusaannut tunngatilugu piumasaqaatit naammassassisinnaajunnaarai, kommunalbestyrelsip imm. 2-miit imm. 4-imut immikkut allajangersakkat pillugit attartortoq ilitsersortariaqarparaa, matuma ataani attartortitsisumut inimik attartugassamik init amerlassusissaannik naammassinnittumut nuunnissamut, kiisalu naleqquttumik neqeroortoqartillugu nereqoorutip akuerineqarnissaanik pisussaaffeqarneq pillugu kiisalu kommunalbestyrelsip uppernarsaatit suut piumasaqaatiginerai.

Imm. 2-mi immikkut periarfissiinermi attartortoq inatsisitigut pisinnaatitaaffilerneqarpoq inoqutigiinni qimagaasup aappaarisap apparisatulluunniit inooqatigisap toqkukut qimagunneratigut ineqarnermut tapiissutit pigiinnarnissaanut, naak init amerlassusaat inoqutigiillu amerlassusaannit naleqqiullugu ataatsimit amerlaneruleraluartut. Tamanna aamma atuuppoq inuttut atukkat allangornerini inoqutigiit ikinnerulernerannik kinguneqartuni. Inuttut atukkat allangorneri pineqartut tassaapput toqkukut qimaguttoqarnera, avinneq imaluunniit apparisatut inooqatigisap ulloq unnuarlu angerlarsimaffimmut nuuppat, meeqqap illoqarfimmut allamut ilinniariarnermigut nuunneragut, meeqqap innarluutillip najugaqarfiup avataanut inissineqarnerani taamatulluunniit assingusumik pisoqarnerani.

Attartortoq pisinnaatitaaffeqarpoq inuttut atukkatigut allangortoqarnerata kingorna qaammatini 6-ni ineqarnermut tapiissutit tigummiinnassallugit. Qaammatini 6-ni killiliussaq naatsorsorneqassaaq ulloq taanna apparisap apparisatulluunniit inooqatigisap toqkukut qimagunneraniit imaluunniit inuttut atukkat allangorneriniit.

Imm. 3

Qaammatit 6-it qaangiunneriniit qaammatit 24-inut ineqarnermut tapinik pisartagaqarnerup ingerlatiinnarsinnaanera piumasaqaatitaqarpoq attartortoq pingitsoorani inimik allamik inissarsionnissarsiorsimassasoq, ineqarnermut tapinik init amerlassusaanniit inoqutigiit amerlassusaannut piumasaqaammut naammassinnittumik. Pisinnaatitaaffik tamanna aammattaaq piumasaqaatitaqarpoq kommunalbestyrelsimut uppernarsaatinik nassiussinikkut inuttut atukkat allangornerisa kingorna qaammatit 6-it qaangiutsinnagit inissiamik allamik, ineqarnermut tapiissutinut init amerlassusaannut inoqutigiillu amerlassusaannut piumasaqaatinut naammassinnittumik inissarsiorsimanissamik, takuuk imm. 1.

Uppernarsaatit piumasaqaat qaammatit 6-it qaangiutsinnagit nassiunneqangippat ineqarnermut tapiissutit nammineerlutik unitsinneqassapput. Attartortup inissarsiornermut uppernarsaammik nassiussinermigut ineqarnermut tapiissutit tigoqqissinnaavai. Ineqarnermut tapiissutit kingumoortumik tunniunneqarsinnaangillat. Ineqarnermut tapiissutit tigoqqinnissaannut pisinnaatitaaffik inissarsiornermut uppernarsaatip kommunalbestyrelsimit tigune-

qarneraniit aallartissaaq. Qaammatit arfinillit qaangiunneriniit kommunalbestyrelsip uppernarsaammik piumasaqaataasumik tigusinissaata tungaanut attartortoq ineqarnermut tapiissutininik pinissaminut pininnaatitaaffeqanngilaq.

Imm. 3 malillugu, pisup kingorna qaammatit 24-it sinnerlugit attartortoq ineqarnermut tapiissutininik tigungminniinnarsinnaanngilaq, ineqarnermut tapiissutit piffissap ilaani unitsinneqarpata, pissutigalugu attartortup uppernarsaatit piumasarineqartut kommunalbestyrelsimut nassiussimangimmagit. Assersuutigalugu, kommunalbestyrelsimit piumasaqaataasutut pisoqarneraniit qaammatit 6-it qaangiutsinnagit uppernarsaatininik nassiussimanginneq pissutigalugu maannamut ineqarnermut tapisiarisinnaasat qaammammi ataatsimi unitsinneqarsimappata, attartortoq imm. 3 tunngavigalugu taamaallaat suli qaammatini 24-ni pisup kingorna ineqarnermut tapinik pissarsinnaavoq. Taamaattoqartillugu attartortoq ataatsimut isigalugu qaammatini 23-ni ineqarnermut tapiissutininik pininnaatitaaffeqassaaq.

Uppernarsaatit piumasaqaataasut naammassineqarsinnaapput, assersuutigalugu attartortup kommunalbestyrelsimut uppernarsarpagu inissiatileqatigiiffimmut inissiamik minnerusumik, ineqarnermut tapinik pissarsinissamut piumasaqaatinut init amerlassusaat inoqutigiillu amerlassusaannut tunngasumut naammassinnittumik qinnuteqarsimalluni. Uppernarsaatit piumasaqaatit aamma naammassineqarsinnaapput, attartortup uppernarsarsinnaappagu namminersorlutik ininik attartortitsisarfiit aqutigalugit inissiamik minnerusumik attartornissaminik qinnuteqarsimanini, imaluunniit utaqqisunut allatsisimalluni.

Immikkut ittumik aalajangiisinnaaneq imm. 3-mi aalajangersarneqartoq malillugu katillugu qaammatini 24-ini attartortoq ineqarnermut tapiissutininik tigusinnaalluni pininnaatitaaffeqarpoq. Qaammatit 24-it tamakkiisut iluanni qaammatit 6-it piumasaqaataanngilaq ininut inoqutigiillu amerlassusaannut naammassinnittumut inimut minnerusumut kissaatigalugu nuunnissamik qinnuteqarsimanerup uppernarsarneqarnissaa.

Pisup kingorna qaammatit 24-it killigisitaasut qaangiussimaneranni imm. 2-mut aamma 3-mut atuutinngillat.

Immikkut ittumik akuersissuteqartoqarsinnaanerani aalajangersakkat imm. 2-mi aamma 3-mi pineqartut taamaallaat inoqutigiinni toqukkut qimaguttoqarneratigut imaluunniit inooqatigiit iluanni pisoqarnerata kingorna init ataatsimik amerlanerunnginnissaannik naammassinnissinnaajunnaarnermut, takuuk imm. 1, taamaallaat attuumassuteqarput. Attartortup § 6, imm. 2 malillugu suli pisussaaffigaa allannguutit ineqarnermut tapiissutisisarnermut tunngasut kommunalbestyrelsillu ineqarnermut tapiissutit naatsorsornissaanut pingaaruteqartut pillugit kommunalbestyrelsi ilimatissallugu.

Immikkut aalajangersagaq imm. 2-mi taamaallaat pineqarput, inoqutigiinni toqukkut qimaguttoqarnerata kingorna, imaluunnit inoqutigiit inuunerminni pisoqarnerani, piumasaqaataasuni init amerlassusaasa inoqutigiit amerlassusaannut sanilliullugit ataatsimit amer-

lanerussannginneranut naammassininnaasumik tunngasoq, takuuk imm. 1. Attartortoq § 6 imm. 2 tunngavigalugu sulii pisussaaffeqarpoq kommunalbestyrelsimut nalunaaruteqassalluni inuttut atukkat allannguuteqarsimappata, ineqarnermut tapiissutitut pisinnaatitaanermut pingaaruteqartumik, tamatumani kommunalbestyrelsimut ineqarnermut tapinut naatsorsuisarneranut allannguisinnaasumik pisoqartillugu.

Imm. 4

Aalajangersakkap imm. 4-aata aalajangerpaa attartortup pisussaaffigigaa init ineqartunut naleqqiullugu amerlassusissaanik naammassinittumik inissamik neqeroorut tigussallugu. Attartortup neqeroorut init ineqartunut naleqqiullugu amerlassusissaannik naammassinittumik nereroorummik itigartitsippat, attartortup imm. 3 malillugu ineqarnermut tapiissutisisinnaanermut pisinnaatitaaffia atorunnaassaaq.

Nr. 2-mut

Imm. 5

Kommunalbestyrelsi suliani ataasiakkaani nalilersuinermini aalajangersinnaavaa, attartortup ineqarnermut tapinik pisinnaatitaanini attatiinnarsinnaagaa, init amerlassusaasa inoqutigiit amerlassusaat ataatsimit amerlanerulerualuarpataluunniit.

Aalajangersagaq katersuuffittut aalajangersagaavoq Inatsisartut Inatsisaanni imm. 2-mi 3-milu akuerisaasut illersugassatut soqutisat sianigissallugit, taamaattoq immikkut akuersissuteqarsinnaanerni erseqqissakkat pineqartut naammanngitsut takuneqarsinnaammat.

Pissutsit immikkut ittut, innuttaasup piffimmi atugarisai aallaavigalugit isiginiarneqassapput.

Aalajangersakkap inissaqartippaa inuppalaartumik silatusaartumillu mianerinninnissaq, pissutsit takutippassuk tamanna pisariaqartinneqartoq, matumani immikkut attartortup qitornaasa angerlarsimaffimmi najugaqartut ukiui eqqarsaatigalugit.

Pissutsit immikkut ittutut soorlu taaneqarsinnaapput, inoqutigiinni tassanngaannartumik allanngortoqarnera, meeqqap angerlarsimaffiup avataanut inissinneqarnerata kingunerisaanik, nalilerneqarlunili meeqqap sinittarfigisani paariinnarnissaa naleqquttuusoq, kingusinnerusukut angerlarteqqissinnaanera eqqarsaatigalugu.

Aalajangersagaq suliani ataasiakkaani nalilersueqqissaarnerni atorneqarsinnaavoq, attartortup aningaasatigut ajornaatsumillu inissiamut minnerusumut piffissap killigititaasup iluani nuussinnaanera periarfissaqanngiffiani, soorlu assersuutigalugu kissaatigalugu inissianut nalinginnaasunut utaqqisarnerup sivilissusaata qaammatit 24-it qaangersimappagit. Aalajangersagaq aammattaaq suliani ataasiakkaani nalilersueqqissaarnerni atuutsinneqarsinnaavoq attartortup namminersorlutik inissianik attartortitsisartut aqutigalugit aningaasaqarnikkut periarfissaqarfigisimasaraluanu, inoqutigiilli annertussusaasa nikinnerini, inissiamut minneru-

sumut attartornissaminut niuernerni akigititaasut akilersinnaajunnaarsimappagit, taamaalil-
lunilu inissianut attartortittakkanut nalinginnaasunut utaqqisutut allatsittariaqalerluni.

§ 2-mut

Siunnersuutigineqarpoq Inatsisartut Inatsisaat 1. januar 2018 aallarnerfigalugu atuutilissasoq.